

ZA:

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
N/r. Predsjedavajućeg Skupštine Kantona Sarajevo**

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema **Vladi Kantona Sarajevo:**

Traži se od Vlade Kantona Sarajevo hitno poduzimanje aktivnosti ka povećanju finansijskih sredstava za jačanje Kantonalne uprave civilne zaštite i Direkcije za robne rezerve za djelovanje u slučaju nastanka prirodnih katastrofa i elementarnih nepogoda.

Traži se od Vlade Kantona Sarajevo da se utvrdi stanje raspoložive opreme i spremnosti svih uključenih aktera za brzo djelovanje u slučaju nastanka prirodnih katastrofa i elementarnih nepogoda.

OBRAZLOŽENJE:

Svjedoci smo nemilih događaja u Turskoj i Siriji gdje je uslijed razornih zemljotresa poginulo hiljade ljudi, preko desine hiljada povređenih. Teritorij Bosne i Hercegovine predstavlja jedan od seizmoloških aktivnijih dijelova Balkanskog poluotoka, koji ulazi u sastav sredozemno - trans - azijskog seizmičkog pojasa. Dodatno, područje Kantona Sarajevo je ugroženo i od poplava, pojave klizišta i požara a koji će dodatno biti izraženi uslijed klimatskih promjena. Dovoljno je podsjetiti na zemljotrese u Banja Luci, Skoplju, tadašnjem Titogradu, ali i u novije vrijeme u Stocu, Zagrebu, Petrinji, pa i na području Kantona Sarajevo kada su otvorena brojna pitanja djelovanja u vanrednih okolnostima i sigurnosti stambenih objekata u kojima živimo.

Stoga se ovom inicijativom od Vlade Kantona Sarajevo traži da se u saradnji sa Kantonalnom upravom civilne zaštite, Direkcijom za robne rezerve Kantona Sarajevo, ali i svih organizacija i udruženja koja djeluju u oblasti zaštite i spašavanja stanovništva (gorska služba spašavanja, odredi izviđača, Crveni križ/krst, dobrovoljna vatrogasna društva) uradi slijedeće:

- Analiza stanja opremljenosti gore navedenih službi u pogledu neophodne opreme za rad za potrebe ljudi angažovanih na poslovima zaštite i spašavanja stanovništva (HTZ oprema)

- Analiza stanja i raspoloživosti šatora, kreveta, deka, vreća za spavanje, agregata i opreme za osvjetljenje i drugih proizvoda neophodnih u slučaju nastanka prirodnih katastrofa, a na bazi broja stanovnika u Kantonu Sarajevo.
- Planirati povećanje finansijskih sredstava za nabavkom gore navedenih proizvoda i realizacija namjenskih sredstava za date potrebe u toku 2023. godine.
- Uspostavi program redovne edukacije/obuke za gore navedene aktere.

Odgovor tražimo pismeno.

Molim vas da odgovor na pitanje dostavite u elektronskoj formi na službeni mail jelena.pekic@skupstina.ks.gov.ba

S poštovanjem,

Jelena Pečić
Klub zastupnika SDP BiH
u Skupštini Kantona Sarajevo